



Vatnet vil kryssa fylkesvegen der vegen mot Korsnes tek av i bakgrunnen

**Oppsittarar i Korsnes har ingen grunn til å frykta auka tilførsel av overvatn frå Ospelunden. Vatnet vil verta teke hand om og vera under full kontroll. Det understrekar Oddbjørn Kroka i samband med at overvatnet vart omtala også i forvaltningskomiteen tidlegare i veka.**

**Det er 3 oppsittarar nedanfor fylkesvegen som har uttrykt ein viss bekymring, særleg knytta til ein bekk som kjem under vegen.**

**Ospelundenprosjektet har ellers idag teke eit viktig steg vidare i og med at det er gjeve rammeløyve. Arbeidet med opparbeiding av tomtene startar med det første,**



[Dei som bur nedanfor fylkesvegen har ingen ting å frykta](#)

Det som i fyrste omfang vil skje med overvatnet og som er knytta til det fyrste byggjesteget er at terrenget blir skåre over.

3 sandfangkummar vert montert og leiar bekken inn i eit system. Vatnet blir leia slik at det kryssar under fylkesvegen der vegen tek av mot Korsnes.

Når så byggjesteget nummer 2 kjem, vil nettet i Korsnes verta oppgradert.

Overflatevatnet frå 5 tomter blir leia til grøftesystemet langs fylkesvegen. Her er det tale om små mengder.

Det fyrste som no skal skje er opparbeiding av to einebustadtomter og tomter for tomannsbustader.

Kroka gjev uttrykk for stor glede over at det no tek til å skje noko etter så mange års ventetid på det største byggjefeltet i Uskedalen.

Tekst og foto: Ola Matti Mathisen.